

Kalaallit Nunaanni pinerluttulerinermik inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugit inatsisissatut siunnersuutip (Digitaliusumik innarliisarnerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinnermut naligiissinneqarnera, malunnaarsaarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Inuussutissarsiortnermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Inuussutissarsiortnermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerneqarnera

Inatsisartut aalajangiiffigisassaattut siunnersuummut matumunnga peqqissaartumik suliaqarsimanera pillugu Naalakkersuisut Inatsisinut Ataatsimiititaliaq qutsavigiumavaat.

Pinerluttulerinermi inatsisip ineriartornermut malinnaanissaa pingaaruteqarpoq, aamma uani internettip innarliinernik iliuitsit arlallit nutaatut ilusillit innarliissutigissallugit ajornarunnaarsissimmagat, ajoraluartumik digitaliusumik piviusuuvoq. Taamaalilluni innuttaasut, aamma ingammik meeqqat innarliinernit atornerlunneqarnissamik illersorneqarnissaat pingaaruteqarpoq.

Taamatut oqaaseqarlutik allamillu oqaaseqaateqaratik siunnersuut aappassaaneerneqarnissaanut Naalakkersuisut tunniuppaat.